



Republika e Kosovës
Komuna e Drenasit (Glllogoc)
Kuvendi i Komunës

02 Nr. 400/01-4470 dt. 02/02/ 2026



Bazuar në nenin 11,12 dhe 40 Nr.03/L-040 për Vetëqeverisje Lokale. Në bazë të nenit 5.2 të Ligjit nr. 03/L-087 për Ndërmarrje Publike i ndryshuar dhe i plotësuar me Ligjin nr. 04/L-111 dhe Ligjin nr. 05/L-009, dhe nenit 11 të Ligjit për Vetëqeverisje Lokale nr. 03/L-040, si dhe nenit 34 të Statutit të Komunës së Glllogocit i datës 16.09.2008. Kuvendi i Komunës së Drenasit në mbledhjen e mbajtur me datë 30.01.2026 miratoi këtë:

VENDIM

Për plotësim-ndryshimin e Komisionit Komunal të Aksionarëve për NPL “Stacioni i Autobusëve SH.A-Glllogoc

- I. Me këtë vendim plotësohet-ndryshohet Komisioni Komunal i Aksionarëve të Ndërmarrjes Publike Lokale “Stacioni i Autobusëve” SH.A në Drenas, në përbërje:

- I.I Kuvendi i Komunës dy anëtarë: 1. Naim Gjeli
2. Tringa Bujupi
- I.II Ekzekutivi i Komunës një anëtar: 1. Granit Elshani

- II. Komisioni Komunal i Aksionarëve nga pika I e këtij vendimi obligohet të ushtroj të drejtat e aksionarit në përputhje me Ligjin nr. 03/L-087 për Ndërmarrje publike, Ligjin nr. 04/L-111 për ndryshim dhe plotësimin e Ligjit nr. 03/L-087 për Ndërmarrje publike, Ligjin nr. 03/L-87 dhe Ligjin nr. 06/L-16 për shoqëritë tregtare.

- III. Mandati i anëtarëve të Komisionit Komunal të Aksionarëve të NPL-së përfundon me përfundimin e mandatit aktual të anëtarëve të Kuvendit të Komunës apo me ndonjë vendim tjetër të Kuvendit të Komunës.

VI. Ky vendim hynë në fuqi 30 (tridhjetë) ditë nga dita e regjistrimit dhe vlerësimit të ligjshmërisë nga MAPL-ja, si dhe 7 ditë nga publikimi në Ueb faqen zyrtare të Komunës.


Vendimi i dërgohet:

- Zyrës së Kryetarit ;
- Drejtorisë Përkatëse;
- Zyrës së Kuvendit;
- Arkivit
- Palës



Kryesuesi i Kuvendit Komunal

Burim Bujupi



Republika e Kosovës
Republika Kosova-Republic of Kosovo
Qeveria - Vlada - Government

Ministria e Ekonomisë
Ministarstvo Ekonomije / Ministry of Economy

Për:	Ramiz Lladrovci, Kryetar i Komunës së Drenasit Burim Bujupi, Kryesues i Kuvendit të Komunës së Drenasit Erblin Hetemi, Udhëheqës i Departamentit Ligjor MAPL
Kopje:	Elbert Krasniqi, Ministër në MAPL Jeton Qela Sekretar i Përgjithshëm në MAPL Njësia për Administrimin e Dokumenteve/MAPL
Përmes:	Artane Rizvanolli, Ministre e Ekonomisë <i>n.p. C. Mjeku</i> Leonita Shabani Mullarama, Sekretare e Përgjithshme në Ministrinë e Ekonomisë <i>Lj. M.</i>
Nga:	Deniza Krasniqi, Ud. Drejtoreshë e Departamentit Ligjor/ME <i>D. Krasniqi</i> Datë: 19.02.2026
Zyrtarët përgjegjës:	Dëfrim Pllashniku, Udhëheqës i Divizionit për Politika të NP/NJPMNP <i>D. Pllashniku</i>
1. Zyrtari konfirmues i vlerësimit ligjor	
2. Zyrtari hartues i vlerësimit ligjor	Arbërore Bërnica-Hasani, Analiste ligjore/NJPMNP <i>A. Bërnica-Hasani</i>
Lënda:	Shqyrtim i ligjshmërisë së aktit të Komunës së Drenasit
Lloji i aktit:	Vendimi 02 Nr.400/01-4470 i Kuvendit të Komunës së Drenasit

I nderuar Kryetar z. Lladrovci,
I nderuar Kryesues z. Bujupi,

Ministria e Ekonomisë ka pranuar kërkesën nga Ministria e Administrimit të Pushtetit Lokal me Nr. prot. 167 datë 05.02.2026, për shqyrtimin e ligjshmërisë së aktit komunal të Komunës së Drenasit, Vendimin 02 Nr.400/01-4470 për plotësim ndryshimin e Komisionit Komunal të Aksionarëve për Ndërmarrjes Publike Lokale "Stacioni i Autobusëve" Sh.A. Glllogoc, të miratuar më datë 30.01.2026 nga Kuvendi Komunal i Drenasit.

Bazuar në nenin 9, paragrafi 3 të Ligjit Nr. 08/L-284 për Shqyrtimin Administrativ të Akteve të Komunave dhe Rregullores (QRK) Nr. 10/2019 për Shqyrtimin Administrativ të Akteve të Komunave, e ndryshuar dhe plotësuar me Rregulloren (QRK) Nr. 06/2021, dhe legjislacionin përkatës për Ndërmarrje Publike, Njësia për Politika dhe Monitorim të Ndërmarrjeve Publike (NJPMNP) në kuadër të Ministrisë së Ekonomisë, vlerëson se Vendimi 02 Nr.400/01-4479 për

plotësim ndryshimin e Komisionit Komunal të Aksionarëve të Kompanisë Rajonale të Mbeturinave "Pastrimi" Sh.A., është në përputhje me nenin 5.2. të Ligjit Nr. 03/L-087 për Ndërmarrjet Publike.

Neni 5 paragrafi 5.2. i Ligjit Nr. 03/L-087 për Ndërmarrjet Publike përcakton se: *"Kur një komunë është aksionare në një Ndërmarrje Publike Lokale, të drejtat e saj të aksionarit ushtrohen nga një Komision Komunal i Aksionarëve, i cili përbëhet nga (i) një anëtar i emëruar nga Kryetari i Komunës dhe (ii) dy anëtarë të tjerë të emëruar nga Kuvendi Komunal. Për këtë qëllim, Komisioni Komunal i Aksionarëve ka të drejtë të veprojë në emër të komunës përkatëse dhe duhet të veprojë në përputhje me Ligjin për Shoqëritë Tregtare. Çdo Komision Komunal i Aksionarëve duhet, me shumicë të thjeshtë votash, të vendosë se si do t'i ushtrojë të drejtat e aksionarit të komunës në një çështje të caktuar."*

Mbi këtë bazë, Vendimi i Komunës së Drenasit që përcakton përbërjen e Komisionit Komunal të Aksionarëve për Ndërmarrjen Publike Lokale, me kompetencë për të vepruar në emër të komunës përkatëse, është në harmoni me legjislacionin në fuqi për ndërmarrjet publike.

Ministria e Ekonomisë mbetet në dispozicion të Komunës dhe MAPL-së për çdo sqarim të mëtejshëm lidhur me këtë vlerësim.

Me respekt,

** Vlerësimi i dërguar nga Ministria e Ekonomisë përkitazi me këtë çështje mbështetet vetëm në këndvështrimet që prekin fushëveprimin e Ministrisë së Ekonomisë si sponsorizuese e legjislacionit për Ndërmarrjet Publike**